



Broj: 28-01-11-183/25
Sarajevo, 03.02.2026. godine

Na osnovu čl. 64. stav (1) tačka a) i 70. stav (1), (3) i (6) Zakona o javnim nabavkama („Službeni glasnik BiH“ broj 39/14, 59/22 i 50/24), člana 70. stav (1) i (2) Zakona o organizaciji organa uprave u Federaciji Bosni i Hercegovine („Službene novine Federacije BiH“, broj 35/05), člana 20. Zakona o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25), direktorica Kantonalnog zavoda za pružanje besplatne pravne pomoći Sarajevo donosi

O D L U K U **o izboru najpovoljnijeg ponuđača**

Član 1.

Direktni sporazum i Ugovor za javnu nabavku usluga fiksne telefonije za potrebe Kantonalnog zavoda za pružanje besplatne pravne pomoći za 2026. godinu dodjeljuje se ponuđaču BH Telecom d.d. Sarajevo sa sjedištem u Sarajevu, ul. Franca Lehara 7, 71000 Sarajevo, ID: 4200211100005, sa ukupnom vrijednosti ugovora u iznosu od 3.000,00 KM bez uračunatog PDV-a, kao najpovoljnijem ponuđaču.

Član 2.

Postupak iz člana 1. ove Odluke je proveden metodom „direktni sporazum“ u skladu sa Zakonom o javnim nabavkama.

Član 3.

Sa ponuđačem će se zaključiti ugovor, na period od 1 (jedne) godine, od 01.01. do 31.12.2026. godine.

Član 4.

Ova odluka stupa na snagu danom donošenja i objavit će se na internet stranici Kantonalnog zavoda za pružanje besplatne pravne pomoći – www.zbpp.ks.gov.ba, istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluga fiksne telefonije KZBPP, broj: 28-01-11-183/26. Javna nabavka je sprovedena putem direktnog sporazuma, a procijenjena vrijednost javne nabavke iznosila je 3.000,00 KM bez uračunatog PDV-a.

Za predmetnu javnu nabavku su predviđena novčana sredstva i ista su osigurana u Budžetu Kantona Sarajevo za 2026. godinu.

Ispitivanjem tržišta putem e-Portala Javnih nabavki, objavljen je poziv za dostavu ponuda za nabavku usluga fiksne telefonije, te su u ostavljenom roku zaprimljene dvije ponude i to BH Telecom d.d. Sarajevo i Telemach d.o.o. Sarajevo.

Nakon izvršenog uvida u dostavljene ponude, dodatno je ispitan vremenski period koji bi bio potreban za prebacivanje i priključenje usluga fiksne telefonije, kao i eventualnih dodatnih troškova priključenja, te je ustanovljeno da bi period aktivacije usluga bio moguć u periodu od 24 do 48 sati nakon zaključenja ugovora, bez dodatnih troškova priključenja, u kojem periodu bi došlo do prekida i obustave usluga fiksne telefonije u prostorijama Kantonalnog zavoda za pružanje besplatne pravne pomoći.


U postupku direktnog sporazuma, provedenom u skladu sa članom 90. Zakona o javnim nabavkama Bosne i Hercegovine, ugovorni organ je izvršio analizu zaprimljenih ponuda, te je utvrdio da ponuda ponuđača BH Telecom d.d. Sarajevo, iako nije ponuda sa najnižom cijenom, u najvećoj mjeri ispunjava potrebe ugovornog organa u pogledu svrsishodnosti, funkcionalnosti i rokova realizacije.

Izabrana ponuda omogućava bržu realizaciju predmetne nabavke, osigurava kontinuitet i neometano pružanje usluga fiksne telefonije bez prekida, te je u potpunosti usklađena sa stvarnim potrebama ugovornog organa. Imajući u vidu predmet nabavke i potrebu za nesmetanim obavljanjem osnovne djelatnosti, ugovorni organ je ocijenio da je navedena ponuda ekonomski i operativno najpovoljnija, te da u potpunosti ispunjava svrhu direktnog sporazuma.

Shodno navedenom, odlučeno je kao u dispozitivu ove Odluke.

Pouka o pravnom lijeku:

Protiv ove Odluke nije dozvoljena žalba u skladu sa odredbama člana 101. stav (6) Zakona o javnim nabavkama („Služben glasnik BiH“ broj 39/14, 59/22 i 50/24).



DIREKTORICA

Emina Herdić, dipl. pravnica

DOSTAVITI:

1. BH Telecom d.d. Sarajevo, ul. Fra Andela Zvizdovića 7, Sarajevo
2. KZBPP-web,
3. U spis,
4. A/a